



Broj: 04- 842-2/18
Datum: 24.04.2018.godine

Upravni odbor Zavoda za zapošljavanje Brčko distrikta BiH, na osnovu člana 44. stav (1) tačka 5) Zakona o zapošljavanju i pravima za vrijeme nezaposlenosti Brčko distrikta BiH («Službeni glasnik Brčko distrikta BiH» broj: 33/04, 19/07 i 25/08), Pravilnika o mjerama za podsticaj zapošljavanja (u daljem tekstu: Pravilnik) broj : 04-1409/16 prečišćeni tekst, izvršavajući Memorandum o implementaciji Akcionog plana Bosne i Hercegovine za rješavanje problema Roma u oblasti zapošljavanja broj: 01-39-2720-54/15, godine, na 60. sjednici održanoj 23.04.2018. godine donio odluku broj 04-842/18 od 23.04.2018.godine, da se objavi

JAVNI POZIV

poslodavcima za pripremu za zapošljavanje i zapošljavanje Roma sa evidencije lica koja aktivno traže zaposlenje Zavoda za zapošljavanje Brčko distrikta BiH

I – PREDMET POZIVA

- **Podsticaj za pripremu za zapošljavanje i zapošljavanja nezaposlenih lica koja aktivno traže zaposlenje sa evidencije Zavoda za zapošljavanje Brčko distrikta BiH, iz reda Roma, sredstvima koja obezbjeđuje Ministarstvo za ljudska prava i izbjeglice BiH, u iznosu od**

154.047,00 KM

Zavod za zapošljavanje Brčko distrikta BiH (u daljem tekstu: Zavod) će sredstva, namijenjena za pripremu za zapošljavanje, sufinansiranje zapošljavanja Roma kod poslodavaca i za sufinansiranje samozapošljavanja Roma, kako slijedi :

- (a) sufinansiranje poslodavaca,
- (b) sufinansiranje samozapošljavanja Roma,
- (c) priprema za zapošljavanje Roma, za poznatog poslodavca, na zahtjev poslodavca,
- (d) edukacija Roma u okviru realizacije mjere-sufinansiranje samozapošljavanja Roma.

II – DODJELA SREDSTAVA

Sredstva namijenjena za sufinansiranje zapošljavanja Roma kod poslodavaca, za sufinansiranje samozapošljavanja Roma i pripremu za zapošljavanje dodjeljivaće se na sljedeći način:

- a) za sufinansiranje poslodavca za svakog zaposlenog Roma:
 - na period od 12 mjeseci u iznosu od 6.000,00 KM, za svakog zaposlenog Roma,
- b) za sufinansiranje samozapošljavanja Roma:
 - na period od 12 mjeseci u iznosu od 5.000,00 KM
- c) priprema za zapošljavanje Roma za poznatog poslodavca,
 - na period od 2 mjeseca u iznosu od 2.000,00 KM

Uslovi za apliciranje i način provođenja pripreme za zapošljavanje Roma, za poznatog poslodavca :

1. Broj lica za koje poslodavac može aplicirati, za provođenje obuka/ priprema za zapošljavanje, treba da za osnovu ima ukupan broj zaposlenih radnika na neodređeno vrijeme, kod poslodavca aplikanta (npr. na 5 radnika na neodređeno vrijeme, 50% od ukupnog broja istih, što bi činilo maksimalno 3 radnika na obuci)



2. Ugovor o realizaciji obuke između Zavoda i poslodavca, koji će imati ugovorenu obavezu da:
 - a) Zadrži u radnom odnosu minimalno 50% lica koja su prošla obuku,
 - b) Period obuke traje dva mjeseca, na ukupan iznos sredstava od 2.000,00 KM,
 - c) Način raspodjele sredstava licu koje pohađa obuku će se regulisati Ugovorom između poslodavca i lica koje pohađa obuku, sa definisanim iznosima troškova naknade za prevoz (po cijeni autobuske vozne karta) i naknade za topli obrok, koju određuje poslodavac u fiksnom iznosu a koji ne može biti niži od 5,00 KM, po prisutnom danu, isplatu naknada poslodavac je dužan vršiti na mjesečnom nivou,
 - d) Za svaki mjesec poslodavac dostavlja Zavodu pregled prisustva lica na obuci, dokaz o isplati naknada licu na obuci (putem izvoda banke),
 - e) Po dostavljenom ugovoru o radu na neodređeno vrijeme sa licem koje je završilo obuku, između poslodavca i lica koja su pohađala obuku, i zahtjevom za isplatu sredstava, Zavod isplaćuje ugovoreni iznos od 2.000,00 KM poslodavcu, po licu koje je poslodavac zadržao u radnom odnosu.
3. Poslodavac je u obavezi da zaposli, minimalno 50% lica koja su završila obuku, za iste je u obavezi da odmah, po okončanju obuke podnese zahtjev za zapošljavanje istih, po javnom pozivu za zapošljavanje Roma, a ugovor, ukoliko poslodavac ostvari podsticajna sredstva, treba da glasi na neodređeno vrijeme, na, minimalno, 12 mjeseci.
4. Ukoliko poslodavac ne izvrši navedeno isti ne može dobiti podsticajna sredstva, po javnim pozivim za zapošljavanje Roma, naredne dvije fiskalne godine.
 - d) Edukacija Roma u okviru realizacije mjere – sufinansiranje samozapošljavanja Roma.

III – PRAVO I USLOVI UČEŠĆA

Za sredstva iz javnog poziva, za povećanje broja zaposlenih, novo zapošljavanje i samozapošljavanje, mogu konkurisati poslodavci koji obavljaju registrovanu djelatnost u Brčko distriktu BiH i koji su/će zaposliti/ti / se samozaposliti, lica sa aktivne evidencije Zavoda, a koje/a su, najkasnije do dana objave Javnog poziva bila izjašnjen/a kao Romi/Romkinje na evidenciji Zavoda.

Za sredstva iz javnog poziva, za pripremu lica za zapošljavanje, mogu konkurisati poslodavci koji obavljaju registrovanu djelatnost u Brčko distriktu BiH za lica sa aktivne evidencije Zavoda, a koje/a su, najkasnije do dana objave Javnog poziva bila izjašnjen/a kao Romi/Romkinje na evidenciji Zavoda.

Poslodavci koji ostvare mogućnost pripreme lica za zapošljavanje ugovorom će biti obavezani da, za vrijeme trajanja obuke (pripreme za zapošljavanje), neće moći vršiti zamjenu lica koja su odabrala prilikom apliciranja.

Prijavu za pripremu za zapošljavanje lica, poslodavac po javnom pozivu može podnijeti samo jednom u toku trajanja javnog poziva, a najkasnije do 15.09.2018.godine.

IV – ZAHTJEV ZA KORIŠTENJE SREDSTAVA





Uz zahtjev za korištenje sredstava po programu povećanja broja zaposlenih, novog zapošljavanja, samozapošljavanja i pripreme za zapošljavanje, koji se podnosi Zavodu putem protokola, poslodavac prilaže popunjen i ovjeren obrazac programa koji sadrži:

- izjavu da ispunjava sve uslove tražene javnim pozivom za dodjelu sredstava podsticaja,
- podatke o kriterijima na osnovu kojih će se izvršiti bodovanje programa poslodavaca,
- pregled lica sa aktivne evidencije Zavoda koja je poslodavac zaposlio / namjerava zaposliti po Javnom pozivu,
- pregled lica sa evidencije lica koja aktivno traže zaposlenje za koje poslodavac namjerava izvršiti pripremu za zapošljavanje,
- izjavu koja je potpisana od strane poslodavca i nezaposlenog lica kojeg poslodavac namjerava zaposliti, u kojoj je to lice saglasno da, po isteku ugovorenog roka u kojem mu Zavod finansira bruto platu, neće podnositi zahtjev za ostvarivanje prava na novčanu naknadu za slučaj nezaposlenosti po osnovu staža osiguranja u periodu kada Zavod finansira bruto platu, saglasno članu 27. Zakona o zapošljavanju i pravima za vrijeme nezaposlenosti BD BiH (u daljem tekstu: Zakon)

Poslodavci koji ispunjavaju uslove za dodjelu sredstava podsticaja, saglasno članu 10 Pravilnika, dužni su, u roku od 10 dana od dana objave liste na oglasnoj tabli i Web stranici Zavoda dostaviti sljedeću dokumentaciju:

- a) kopiju rješenja o osnivanju pravnog lica ili preduzetnika,
- b) kopiju rješenja o registraciji poreskog obveznika u Poreskoj upravi (JIB),
- c) kopija obaveštenje o razvrstavanju poslovnog i drugog subjekta prema djelatnosti,
- d) kopiju ovjerenih specifikacija / rekapitulacija i MIP-ova, isplaćenih bruto plata za sve zaposlene radnike,
- e) dokaz da se ne vodi stečajni, odnosno likvidacioni postupak,
- f) drugu dokumentaciju za koju Zavod ocijeni da može biti od značaja prilikom rješavanja zahtjeva.

V – USLOVI ZA ODOBRENJE SREDSTAVA

Sredstva iz ovog javnog poziva, saglasno članu 12 Pravilnika, mogu se odobriti poslodavcu za finansiranje programa za povećanje broja zaposlenih, novog zapošljavanja, samozapošljavanja i priprema za zapošljavanje, ukoliko ispunjava sljedeće uslove:

- a) da je registrovan, odnosno da je izvršena registracija djelatnosti u skladu sa zakonom,
- b) da izmiruje obaveze po osnovu direktnih poreza i doprinosa u skladu sa zakonom,
- c) da izmiruje obaveze po osnovu bruto plata,
- d) da se prema poslodavcu ne vodi stečajni, odnosno likvidacioni postupak,
- e) da vrši pripremu za zapošljavanje i zapošljava nezaposlenog lica iz reda Roma, sa evidencije lica koja aktivno traži zaposlenje Zavoda, koje ima prebivalište u Distriktu ne kraće od tri mjeseca prije objavljivanja javnog poziva,
- f) da ne vrši pripremu za zapošljavanje ili zapošljava nezaposleno lice kome je kod istog poslodavca prestao radni odnos u posljednja 24 mjeseca,





g) da broj zaposlenih na neodređeno vrijeme na dan objavljivanja javnog poziva nije manji od broja zaposlenih na neodređeno vrijeme na dan 31.12. prethodne godine,

h) da ispunjava i druge uslove utvrđene Zakonom, Pravilnikom Zavoda i ovim Javnim pozivom.

Izuzetno u odnosu na stav (1) tačka g) ovog člana, poslodavcu koji je imao smanjenje ukupnog broja radnika zaposlenih na neodređeno vrijeme, u navedenom periodu, mogu se dodijeliti sredstva za podsticaj zapošljavanja pod uslovom da je do smanjenja došlo:

a) zbog smrti ili penzionisanja radnika,

b) svojevrijemnog prestanka radnog odnosa, ali pod uslovom, da umjesto tog radnika do momenta zaključivanja Javnog poziva, poslodavac primi drugog radnika u radni odnos na neodređeno vrijeme.

Licu koje podnese zahtjev za korištenje sredstava po programu samozapošljavanja ista se mogu odobriti ukoliko ispunjava uslove iz člana 12. stav (1) tačke a), e) i h) Pravilnika.

Nezaposleno lice koje koristi sredstva po programu samozapošljavanja mora biti evidentirano kao nezaposleno lice u evidenciji Zavoda, do dana pokretanja postupka registracije djelatnosti.

VI – ODBACIVANJE ZAHTJEVA

Saglasno članu 19. Pravilnika, Komisija neće vršiti obradu i ocjenu programa poslodavca za korištenje sredstava za pripremu za zapošljavanje i sufinansiranje zapošljavanja/samozapošljavanja i predložiće odbacivanje istog ukoliko:

- ne ispunjava uslove iz Zakona, Pravilnika i Javnog poziva,
- ne dostavi potpun zahtjev,
- nadležni organ uprave u tekućoj godini utvrdi i Zavodu dostavi akt da je kod poslodavca utvrđen rad lica bez ugovora o radu, ili ga poslodavac nije prijavio na zdravstveno i penzijsko-invalidsko osiguranje,
- nadležni organ uprave u tekućoj godini utvrdi da lice obavlja samostalnu djelatnost koja nije registrovana u skladu sa zakonom.

Poslodavcu koji po prethodno odobrenom programu zapošljavanja ili stručnog osposobljavanja nije uredno izvršio ugovorom preuzete obaveze, saglasno članu 20 stav (2) Pravilnika sredstva se neće dodijeliti najmanje u trajanju od dvije kalendarske godine, počev od godine u kojoj je raskinut ugovor zbog neizvršenja ugovorom preuzetih obaveza.

Odredbe prethodnog stava neće se primjenjivati na one poslodavce sa kojima je raskinut ugovor, a u trenutku raskida ugovora prema njima nije bilo novčanih potraživanja.

VII – PRAVA I OBAVEZE

Međusobna prava, obaveze i odgovornosti između Zavoda i korisnika sredstava regulisaće se ugovorom u skladu sa Pravilnikom o mjerama za podsticaj zapošljavanja.

VIII – ROK ZA PODNOŠENJE ZAHTJEVA

Javni poziv počinje teći od 24.04.2018. godine i isti će biti otvoren do plasmana sredstava iz Javnog poziva, a najkasnije do 31.12.2018. godine.





ZAVOD ZA ZAPOŠLJAVANJE BRČKO DISTRIKTA BIH
ЗАВОД ЗА ЗАПОШЉАВАЊЕ БРЧКО ДИСТРИКТА БИХ
EMPLOYMENT INSTITUTE OF BRČKO DISTRICT OF BIH

Marka Marulića br. 1,
76100, Brčko distrikt BiH
049 217 411
049 217 412

Марка Марулића бр. 1,
76100, Брчко дистрикт БиХ
www.zzzbrcko.org
info@zzzbrcko.org

Zavod će rješavati kontinuirano podnijete zahtjeve poslodavaca po Javnom pozivu za zapošljavanje, samozapošljavanje i pripremu za zapošljavanje, prema dinamici podnošenja istih. Prednost prilikom rangiranja imaće poslodavci koji ranije podnesu zahtjev, pod uslovom da i poslodavac i nezaposleno lice ispunjavaju tražene uslove.

Zavod će, radi blagovremenosti realizacije i dinamike javnog poziva kome je ročnost do 31.12.2018.godine, zahtjeve za pripremu lica za zapošljavanje primati zaključno sa 15.09.2018.godine.

Obrazac zahtjeva sa priložima zainteresovani poslodavci mogu preuzeti na stranici Zavoda za zapošljavanje www.zzzbrcko.org, ili u kancelarija broj 4, gdje se isti i predaje.

Sve potrebne informacije zainteresovani poslodavci mogu dobiti u Zavodu za zapošljavanje lično ili na telefon broj: 049/217-411; 049/233-660.

Neblagovremeno dostavljeni zahtjevi neće biti uzeti u razmatranje.

O rezultatima javnog poziva učesnici će biti obavješteni putem Web stranice i oglasne table Zavoda.

Predsjednik U.O. Zavoda :

Ljubomir Maratović, dipl. politikolog

